

大吉祥經 (經集)

如是我聞。一時，世尊住舍衛城祇樹給孤獨園。時有一容姿美麗之天神，夜半過後，遍照祇樹園各隅。接近世尊之前，敬禮世尊，立于一方。天神以偈白世尊：

諸天諸人等 思念諸吉祥 仰望諸福報 語我最吉祥

佛言：

勿近諸愚者	親近諸賢者	供養應供者	是最上吉祥
住於適當所	積前世福德	自有正誓願	是最上吉祥
多聞與工巧	調伏與善學	多說諸善語	是最上吉祥
孝養父與母	妻子當攝受	正業無混濁	是最上吉祥
如法行佈施	攝受諸親戚	諸行業無罪	是最上吉祥
不樂諸惡行	且自離飲酒	諸法不放逸	是最上吉祥
敬重與謙讓	滿足及感恩	時時聞妙法	是最上吉祥
忍辱與柔和	會見諸沙門	時時有法談	是最上吉祥
修苦與梵行	善觀四聖諦	涅槃之作證	是最上吉祥
觸諸世間法	其心不動搖	安穩離塵憂	是最上吉祥
如斯諸行已	一切處不敗	人人得福利	是最上吉祥